

1993 nr. 25 7. apríl**Lög um dýrasjúkdóma og varnir gegn þeim**

Tóku gildi 7. apríl 1993. *Breytt með* l. 87/1995 (tóku gildi 1. júlí 1995), l. 73/1996 (tóku gildi 19. júní 1996), l. 82/1998 (tóku gildi 1. okt. 1998), l. 31/2001 (tóku gildi 16. maí 2001), l. 63/2003 (tóku gildi 7. apríl 2003), bbl. 103/2003 (tóku gildi 1. júlí 2003), l. 116/2003 (tóku gildi 12. nóv. 2003), l. 76/2005 (tóku gildi 1. jan. 2006), l. 167/2007 (tóku gildi 1. jan. 2008), l. 88/2008 (tóku gildi 1. jan. 2009 nema brbák. VII sem tók gildi 21. júní 2008), l. 143/2009 (tóku gildi 1. mars 2010 nema II.–IV. kafli sem tóku gildi 1. nóv. 2011 (utan 43. gr. í IV. kafla sem tók gildi 1. mars 2010) og 54. og 55. gr. og 9. efnismgr. 63. gr. sem tóku gildi 1. mars 2011; *EES-samningurinn*: I. og II. viðauki reglugerð 178/2002) og l. 126/2011 (tóku gildi 30. sept. 2011).

Ef í lögum þessum er getið um ráðherra eða ráðuneyti án þess að málefnasvið sé tilgreint sérstaklega eða til þess vísað, er átt við **sjávarútvegs- og landbúnaðarráðherra** eða atvinnuvega- og nýsköpunarráðuneyti sem fer með lög þessi.

I. kafli. Tilgangur, gildissvið og yfirstjórn.**■ 1. gr.** Tilgangur laganna er:

a. að stuðla að góðu heilsufari dýra í landinu og koma í veg fyrir að nýir smitsjúkdómar berist til landsins,

b. að fylgjast með og hindra útbreiðslu dýrasjúkdóma og vinna að útrýmingu þeirra,

c. að tryggja að búfjárafurðir, framleiddar í landinu, verði sem heilnæmastar.

■ **2. gr.** Lög þessi taka til allra sjúkdóma í dýrum, jafnt húsdýrum, gæludýrum og villtum dýrum.

■ **3. gr.** [Ráðherra]¹⁾ hefur yfirstjórn þeirra mála sem lög þessi taka til.

□ [Matvælastofnun]²⁾ skal vera ráðherra til aðstoðar og ráðuneytis um allt er lýtur að dýrasjúkdómum og framkvæmd laganna.

□ Héraðsdýralæknar skulu hver í sínu umdæmi hafa eftirlit með og vinna að bættu heilsufari dýra og fylgjast með heilbrigðisástandi þeirra og vera á verði gegn nýjum dýrasjúkdómum er kunna að berast til landsins eða milli sóttvarnarsvæða.

¹⁾ L. 126/2011, 172. gr. ²⁾ L. 167/2007, 64. gr.

II. kafli. Orðskýringar.

■ **4. gr.** [Aukaafurðir úr dýrum: Heil hræ, skrokkar, skrokkhlutar, líffæri eða aðrar afurðir af dýrum sem ekki eru hæfar eða ætlaðar til manneldis.]¹⁾

□ *Búfé*: Hross, nautgripir, sauðfé, geitur, svín, loðdýr, kanínur og alifuglar, auk þess eldisfiskar og önnur dýr sem haldin eru til nytja. Rísi ágreiningur um hvað falla skuli undir hugtakið búfé sker [ráðherra]²⁾ úr þeim ágreiningi.

□ *Dýr*: Öll dýr, bæði hryggdýr og hryggleysingjar.

□ *Dýrasjúkdómur*: Smitsjúkdómur sem orsakast af völdum örvera eða sníkjudýra, efnaskiptasjúkdómur, erfðasjúkdómur, eitranir og aðrir sjúkdómar sem lög þessi ná til.

□ *Gæludýr*: Öll dýr sem haldin eru til afþreyingar.

□ *Smitsjúkdómur*: Sjúkdómur eða smit sem beint eða óbeint getur borist frá einu dýri til annars eða milli manna og dýra.

□ *Sóttvarnarsvæði*: Landsvæði sem afmarkast af varnarlínunum, ám, vötnum, sjó eða öræfum sem ásamt fyrirskipaðri vörslu og öðrum varúðarráðstöfunum mynda farartálma eða fullkomna hindrun á samgangi dýra.

□ *Varnarlínur*: Mörk sóttvarnarsvæða, þar með taldar girðingarlínur sem skiptast í aðalvarnarlínur og aukavarnarlínur.

¹⁾ L. 143/2009, 31. gr. ²⁾ L. 126/2011, 172. gr.

III. kafli. Tilkynningarskylda og sjúkdómsgreining.

■ **5. gr.** Hverjum þeim, sem hefur ástæðu til að ætla að dýr sé haldið smitsjúkdómi sem lög þessi ná yfir, ber án tafar að

tilkynna það hverjum þeim dýralækni sem til næst eða lögreglu. Skylt er lögreglu að hafa strax samband við dýralækni. Telji dýralæknir ástæðu til skal hann tafarlaust gera ráðstafanir til að fá sjúkdómsgreiningu sína staðfesta og hindra útbreiðslu sjúkdómsins.

□ Leiði rannsókn í ljós eða dýralæknir fær grun um að sé að ræða smitsjúkdóm, sem tilgreindur er í [viðaukum 1A og 1B]¹⁾ með lögum þessum eða smitsjúkdóm áður óþekktan hér á landi, skal dýralæknir án tafar tilkynna það [Matvælastofnun].²⁾ Jafnframt ber honum að grípa til varúðarráðstafana gegn útbreiðslu eða til útrýmingar sjúkdóminum, einnig að banna afhendingu dýrsins eða afurða þess og sjá um að einangra dýrið og önnur dýr sem kunna að bera smit, svo og nánasta umhverfi þeirra. Enn fremur skal hann sjá um að hlutir og vörur, sem komist hafa í snertingu við dýrið, verði sóttþreinsuð eða þeim eytt og að aflífa dýrið eða gera aðrar þær ráðstafanir sem nauðsynlegar teljast. Eigendum dýra er skylt að veita alla nauðsynlega aðstoð vegna varúðarráðstafana sem framkvæmdar eru á grundvelli þessarar málsgreinar.

□ Sé hins vegar um að ræða sjúkdóm sem tilgreindur er í viðauka 2 skal dýralæknir hlutast til um að framkvæmdar séu frekari rannsóknir og málið tilkynnt að því marki sem nauðsynlegt er.

¹⁾ L. 31/2001, 1. gr. ²⁾ L. 167/2007, 64. gr.

■ **6. gr.** Öllum þeim, sem starfa að dýralækningum, er skylt að fylgja fyrirmælum [Matvælastofnunar]¹⁾ um skráningu dýrasjúkdóma og gera þær ráðstafanir til varnar og upprættingar sjúkdómum sem [stofnunin]²⁾ mælir fyrir um eða tilgreindir eru í reglugerðum og auglýsingum þar um.

¹⁾ L. 167/2007, 64. gr. ²⁾ L. 76/2005, 9. gr.

■ **7. gr.** [Ráðherra]¹⁾ setur með reglugerð²⁾ nánari ákvæði um varúðarráðstafanir sem nauðsynlegar eru ef upp kemur grunur um smitsjúkdóma sem tilgreindir eru í [viðaukum 1A og 1B]³⁾ eða ef þeirra verður vart og nýja, áður óþekktá sjúkdóma hér á landi, þar með talin ákvæði um sóttvörn og samgang við svæði þar sem sjúkdómur hefur komið upp, einangrun dýra, rannsóknir, aflífun í rannsóknarskyni, sýnatöku og skýrslugerð og eyðingu dýrahreja.

¹⁾ L. 126/2011, 172. gr. ²⁾ Rg. 447/2005, sbr. 710/2006. ³⁾ L. 31/2001, 2. gr.

IV. kafli. Varnaraðgerðir.

■ **8. gr.** [Ráðherra]¹⁾ getur samkvæmt lögum þessum og að fengnum tillögum [Matvælastofnunar]²⁾ fyrirskipað hverjar þær ráðstafanir sem nauðsynlegar eru til að útrýma eða hindra útbreiðslu þeirra dýrasjúkdóma sem taldir eru upp í [viðaukum 1A, 1B og 2]³⁾ og til að afstýra hættu og tjóni af völdum útbreiðslu þessara sjúkdóma. Ráðstafanir þessar ná yfir:

1. Dýr:

a. rannsóknir, þar með talda sýnatöku til sjúkdómsgreiningar,

b. sjúkdómsmeðferð,

c. ónæmisáðgerðir,

d. merkingar og einangrun,

e. eftirlit,

f. förgun og eyðingu,

[g. bann við innflutningi eða útflutningi].⁴⁾

2. Dýraafurðir, fóður, húsdýraáburlög og annað sem mengað er og kann að bera smit:

a. rannsóknir á mögulegu smitefni,

b. gerilsneyðingu, sóttþreinsun og dauðþreinsun,

c. eyðingu,

[d. bann við innflutningi eða útflutningi].⁴⁾

3. Byggingar, starfssvæði, vélar, verkfæri og farartæki:
- hreinsun og sóttþreinsun,
 - eftirlit og einangrun.
4. Eigendur og umráðaaðila dýra, starfsfólk þeirra, fatnað og tæki sem kunna að bera smitefni:
- rannsóknir, þar með talda sýnatöku til sjúkdómsgreiningar,
 - hreinsun, sóttþreinsun og eyðingu fatnaðar.

¹⁾ L. 126/2011, 172. gr. ²⁾ L. 167/2007, 64. gr. ³⁾ L. 31/2001, 3. gr. ⁴⁾ L. 116/2003, 9. gr.

V. kafli. Fyrirbyggjandi aðgerðir.

■ **9. gr.** Heimilt er [ráðherra]¹⁾ að takmarka eða banna dýrahald á afmörkuðum svæðum þar sem ætla má að heilbrigði dýra sé sérstök hættu búin að mati [Matvælastofnunar].²⁾

¹⁾ L. 126/2011, 172. gr. ²⁾ L. 167/2007, 64. gr.

■ **10. gr.** [Til að hindra að dýrasjúkdómar berist til landsins er óheimilt að flytja til landsins eftirtaldir vörtegundir:

- hráar og lítt saltaðar sláturafurðir, bæði unnar og óunnar, hrá egg, ósottþreinsuð hrá skinn og húðir, alidýraáburð og rotmassa blandaðan alidýraáburði,
- kjöt mjöl, beinamjöl, blóðmjöl og fitu sem fellur til við vinnslu þessara efna,
- hey og hálm,
- hvers konar notaðar umbúðir, reiðtygi, vélar, tæki, áhöld og annað sem hefur verið í snertingu við dýr, dýraafurðir og dýraúrgang,
- hvers konar notaðan búnað til stangveiða.

□ Þrátt fyrir ákvæði 1. mgr. er ráðherra heimilt að leyfa innflutning á vörum þeim sem taldar eru upp í a–e-lið, að fengnum meðmælum Matvælastofnunar, enda þyki sannað að ekki berist smitefni með þeim er valda dýrasjúkdómum. Ráðherra getur ákveðið með reglugerð að ákvæði 1. mgr. skuli ekki gilda fyrir einstakar vörtegundir sem þar eru taldar upp ef varan sóttþreinsast við tilbúning eða sérstök sóttþreinsun er framkvæmd fyrir innflutning og vörunni fylgir fullnægjandi vottorð um uppruna, vinnslu og sóttþreinsun. Ráðherra er heimilt að banna með auglýsingu innflutning á vörum sem hættu telst á að smitefni geti borist með og hættu telst geta stafað af varðandi heilbrigði dýra.

□ Um framkvæmd þessarar greinar fer einnig eftir ákvæðum samningsins um beitingu ráðstafana um hollustuhætti og heilbrigði dýra og plantna í 1. viðauka A við samninginn um stofnun Alþjóðavíðskiptastofnunarinnar.]¹⁾

¹⁾ L. 143/2009, 32. gr.

■ **11. gr.** [Matvælastofnun]¹⁾ er heimilt að takmarka eða banna flutning dýra, vöru eða tækja milli eða innan sóttvarnarsvæða telji [stofnunin]²⁾ að það valdi eða sé líklegt til að valda útbreiðslu sjúkdóma meðal dýra.

□ [[Ráðherra]³⁾ er í samráði við [Matvælastofnun]¹⁾ jafnframt heimilt að takmarka eða banna inn- og útflutning tiltekinn lands eða landsvæðis telji hann að slíkur flutningur valdi eða sé líklegur til að valda útbreiðslu sjúkdóma.]⁴⁾

¹⁾ L. 167/2007, 64. gr. ²⁾ L. 76/2005, 9. gr. ³⁾ L. 126/2011, 172. gr. ⁴⁾ L. 116/2003, 10. gr.

■ **12. gr.** [Ráðherra]¹⁾ ákveður, að fengnum tillögum [Matvælastofnunar],²⁾ hvaða varnarlinum skuli haldið við. Á sama hátt getur ráðherra ákveðið að setja upp nýjar varnarlinur þar sem nauðsyn krefur. Girðingarstæði skulu valin þar sem best skilyrði eru frá náttúrunnar hendi og valdi sem minnstum spjöllum og jarðraski. Upprekstrarfélög og einstakar jarðir má svipta aðgangi að landi sínu sé slíkt nauðsynlegt, enda

skal þá leitast við að bæta það með tilsvarendi landi í skiptum ef unnt er. Verði ekki samkomulag um landaskipti eða bætur fyrir missi landsnyttja skulu bætur metnar af dómkvóddum matsmönnum. Bætur þær, sem ákveðnar eru, greiðast af ríkissjóði og miðast við notagildi landsins.

□ [Ráðherra]¹⁾ ákveður með auglýsingu skiptingu varnarlína í aðalvarnarlinur og aukavarnarlinur að fengnum tillögum [Matvælastofnunar].²⁾

¹⁾ L. 126/2011, 172. gr. ²⁾ L. 167/2007, 64. gr.

■ **13. gr.** [Aukaafurðir dýra, sem ekki eru ætlaðar til manneldis, skal meðhöndla, geyma, flytja, vinna eða eyða á þann hátt að ekki valdi hættu á útbreiðslu smitefna eða annarra skaðlegra efna. Þeir sem meðhöndla, geyma, flytja eða vinna aukaafurðir dýra sem ekki teljast til úrgangs skulu sækja um leyfi Matvælastofnunar áður en starfsemin hefst. Ef aukaafurðir dýra teljast til úrgangs gilda um starfsemina ákvæði laga nr. 55/2003, um meðhöndlun úrgangs.

□ Vinnslu-, geymslu-, lífgas- og myltingarstöðvar, svo og stöðvar fyrir milliefni og líffituefni, sem ætlað er að vinna aukaafurðir úr dýrum sem ekki teljast til úrgangs, þ.m.t. stöðvar sem annast vinnslu úr sjávar- og eldisafurðum, skulu hafa starfsleyfi frá Matvælastofnun áður en rekstur hefst.

□ Ráðherra setur með reglugerð¹⁾ nánari ákvæði um aukaafurðir dýra sem ekki eru ætlaðar til manneldis, svo sem meðferð slíkra aukaafurða, flokkun og starfsleyfi vegna þeirra, sbr. 29. gr. a.]²⁾

¹⁾ Rg. 108/2010, sbr. 216/2012 og 395/2012. Rg. 120/2010. Rg. 121/2010. Rg. 122/2010. Rg. 123/2010. Rg. 124/2010. Rg. 125/2010. Rg. 126/2010. Rg. 169/2011. Rg. 261/2011. ²⁾ L. 143/2009, 33. gr.

■ **14. gr.** [Ráðherra]¹⁾ setur með reglugerð nánari ákvæði um meðferð, geymslu og notkun matarleifa og dýraafurða sem ætlaðar eru til fódurs eða fódurgerðar. Þar skal kveðið á um leyfi til fódurgerðar, sbr. 13. gr., starfrækslu fódurstöðva og hvaða skilyrðum þær þurfa að fullnægja, sýnatöku og eftirlit með slíkri starfsemi til að koma í veg fyrir smithættu.

¹⁾ L. 126/2011, 172. gr.

■ **15. gr.** [Ráðherra]¹⁾ setur reglu²⁾ um sæðistöku og sæðingar, töku eggja og fósturvísa, meðferð þeirra og innlög í dýr. Einnig um búnað, tilhögun og rekstur sæðingastöðvar og heilbrigðiskröfur varðandi dýr sem tekið er úr sæði, egg eða fósturvísar til flutnings, svo og heilbrigðiskröfur um sæði, egg og fósturvísa sem ætlaðir eru til sæðinga eða eggjaflutninga. Þá setur [ráðherra]¹⁾ reglu um heilbrigðiskröfur sem gerðar eru varðandi þau dýr sem notuð eru sem fósturmæður.

¹⁾ L. 126/2011, 172. gr. ²⁾ Rg. 787/2003, sbr. 114/2009.

VI. kafli. Kostnaður og bætur.

■ **16. gr.** Þóknun og ferðakostnaður vegna starfa dýralæknis eða annarra sem takast á hendur verkefni sem leiðir af framkvæmd þessara laga samkvæmt fyrirmælum [Matvælastofnunar]¹⁾ skal greiddur úr ríkissjóði.

¹⁾ L. 167/2007, 64. gr.

■ **17. gr.** Ríkissjóður greiðir kostnað vegna einangrunar búfjár sem ákveðin er til varnar sjúkdómum sem taldir eru upp í [viðauka 1A]¹⁾ með lögum þessum, svo og efniskostnað vegna nauðsynlegrar hreinsunar og sóttþreinsunar, einnig kostnað vegna aflifunar, eyðingar hræja og notkunar tækja sem þarf til fyrrgreindra verka. Ríkissjóður greiðir kostnað vegna einangrunar og gæslu svæða, enda sé einangrunin fyrirskipuð af [ráðherra].²⁾ Eigendum búfjár er skylt að leggja fram endurgjaldslaust alla ófaglega vinnu og aðstöð við hreinsun, sóttþreinsun og aflifun dýra.

¹⁾ L. 31/2001, 5. gr. ²⁾ L. 126/2011, 172. gr.

■ **18. gr.** Kostnaður vegna einangrunar og rannsókna á öðrum sjúkdómum en taldir eru upp í [viðauka 1A]¹⁾ greiðist af eigendum dýranna að hluta eða öllu leyti samkvæmt ákvörðun [ráðherra].²⁾

¹⁾ L. 31/2001, 6. gr. ²⁾ L. 126/2011, 172. gr.

■ **19. gr.** Stofnkostnaður og viðhald aðalvarnarlína greiðist úr ríkissjóði. Ríkissjóður leggur til efni í aukavarnarlínur, en uppsetning, rekstur og viðhald þeirra greiðist af viðkomandi sveitarsjóðum. Rísi ágreiningur um skiptingu kostnaðar við aukavarnarlínur sker [ráðherra]¹⁾ úr þeim ágreiningi að fenginni umsögn [Matvælastofnunar].²⁾

¹⁾ L. 126/2011, 172. gr. ²⁾ L. 167/2007, 64. gr.

■ **20. gr.** Eigendur búfjár, sem fargað er samkvæmt fyrir-mælum [ráðherra]¹⁾ að tillögum [Matvælastofnunar],²⁾ eiga rétt á bótum úr ríkissjóði.

□ Bætur ríkissjóðs svara til verðgildis afurða og rekstrartaps sem sannanlega leiðir af eyðingu dýranna. Heimilt er að víkja frá ákvæðum þessarar málsgreinar um bætur þegar fyrirskipaður er niðurskurður á kynbótagripum.

□ Sé unnt að nýta afurðir dýra að hluta eða í heild skal verðmæti þeirra afurða koma til frádráttar heildarbótageiðslum. Ekki koma bætur fyrir dýr sem eru óveruleg að verðmæti, nema því aðeins að til þess liggi gildar ástæður.

□ Bótaskylda ríkissjóðs samkvæmt lögum þessum nær ein-göngu til búfjár.

¹⁾ L. 126/2011, 172. gr. ²⁾ L. 167/2007, 64. gr.

■ **21. gr.** Réttur til bóta samkvæmt lögum þessum glatast að öllu leyti eða að hluta ef eigandi dýra hefur ekki farið eftir ákvæðum þessara laga eða reglugerðum og öðrum fyrir-mælum settum samkvæmt þeim. Sama gildir ef eigandi hefur orð-ið sér úti um dýr sem hann vissi eða mátti vita með tilliti til aðstæðna að haldið var sjúkdómi sem lög þessi taka til eða valdið því með ásetningi eða vanrækslu að dýr hans smitað-ist.

□ Bætur greiðast ekki ef dýr, sem flutt hafa verið til lands-ins, hafa sýkst af sjúkdómi áður en sex mánuðir eru liðnir frá innflutningi þeirra.

VII. kafli. Ýmis ákvæði.

■ **22. gr.** [Matvælastofnun]¹⁾ héraðsdýralæknum og fulltrú-um þeirra skal hvenær sem er vera heimill aðgangur að hús-næði, búum og fyrirtækjum þar sem dýr, eða afurðir þeirra, eru geymd og skulu þeim veittar allar nauðsynlegar upplýs-ingar vegna eftirlits og rannsókna sem óskað er eftir á grund-velli laga þessara.

¹⁾ L. 167/2007, 64. gr.

■ **23. gr.** Skylt er að viðhalda varnarlinnum svo lengi að full-víst þyki að búfjárjúkdómar, sem valda stórfelldu tjóni, geti ekki leynst í búfé öðrum megin línunnar þannig að samgang-ur milli svæðanna auki á sýkingarhættu fyrir búfé að mati [Matvælastofnunar].¹⁾

□ Því aðeins er [ráðherra]²⁾ heimilt að leggja niður varn-arlínur að fram hafi farið ítarlegt heilbrigðiseftirlit á búfé á þeim varnarsvæðum sem að línunni liggja og að fengn-um meðmælum [Matvælastofnunar].¹⁾ Gefa skal aðliggjandi sveitarfélögum kost á að eignast girðingarnar endurgjalds-laust, enda taki þau ábyrgð á að girðing valdi ekki slysum eða tjóni.

¹⁾ L. 167/2007, 64. gr. ²⁾ L. 126/2011, 172. gr.

■ **24. gr.** [Matvælastofnun]¹⁾ er heimilt að fyrirskipa á kostnað eigenda sérstakar merkingar á búfé þar sem slíkt

er nauðsynlegt. [Þá getur [Matvælastofnun]¹⁾ bannað hvers konar litamerkingar á búfé á ákvæðnum svæðum.]²⁾

¹⁾ L. 167/2007, 64. gr. ²⁾ L. 76/2005, 10. gr.

■ **25. gr.** Óheimilt er að flytja sauðfé til lífs yfir varnarlinur [nema þegar um er að ræða endurnýjun bústofns vegna nið-urskurðar af völdum sjúkdóma og/eða vegna búháttabreyt-inga].¹⁾ Sleppi sauðfé yfir varnarlinur skal því slátrað. Merkja skal líffæri úr fénu og senda án tafar til rannsóknar. Eigandi skal fá bætur samkvæmt ákvörðun [Matvælastofnunar]²⁾ fyrir sauðfé sem slátrað er enda hafi líffæri verið send til rannsókn-ar. Nautgripi og geitur má því aðeins flytja yfir varnarlinur til lífs að fram fari sérstök rannsókn á heilbrigði þeirra. [Mat-vælastofnun]²⁾ getur leyft flutning á tilrauna- og kynbótagrip-um yfir varnarlinur.

□ [Sjávarútvegs- og landbúnaðarráðherra er heimilt með reglugerð að skilgreina arfgerðir þeirra líflamba sem má ekki flytja yfir varnarlinur, þegar um er að ræða endurnýjun bú-stofns eftir niðurskurð vegna riðuveiki.]³⁾

¹⁾ L. 76/2005, 11. gr. ²⁾ L. 167/2007, 64. gr. ³⁾ L. 143/2009, 34. gr.

■ **26. gr.** Hlíti eigandi eða umráðaaðili dýra ekki ákvörð-un [ráðherra]¹⁾ samkvæmt lögum þessum er viðkomandi lög-reglustjóra skylt að hlutast til um framkvæmd á fyrir-mælum ráðherra. Óheimilt er að farga dýrum eða taka þau frá aðila eða neyta annarra þeirra úrræða sem lög þessi kveða á um og valdið geta eiganda þeirra umtalsverðum kostnaði nema [Matvælastofnun]²⁾ hafi samþykkt slíkar aðgerðir. Gefa skal eiganda og umráðaaðila kost á að tjá sig um slíkar aðgerðir áður en til þeirra er gripið.

¹⁾ L. 126/2011, 172. gr. ²⁾ L. 167/2007, 64. gr.

■ **27. gr.** . . .¹⁾

¹⁾ L. 31/2001, 9. gr.

■ **28. gr.** Komi upp alvarlegur smitsjúkdómur í dýrum á af-mörkuðum svæðum er [ráðherra]¹⁾ heimilt, að fenginni til-lögu [Matvælastofnunar],²⁾ að skipa þriggja manna [smits-júkdómanefnd]³⁾ er verði [Matvælastofnun]²⁾ til aðstoðar við framkvæmd hvers konar varnaraðgerða og við útrýmingu sjúkdómsins. [Smitsjúkdómanefnd]³⁾ hefur ásamt [Matvæla-stofnun]²⁾ forgöngu um framkvæmd niðurskurðar, endurnýj-un bústofns, hreinsun búfjár af svæðinu og nauðsynlega sótt-hreinsun.

□ . . .³⁾

¹⁾ L. 126/2011, 172. gr. ²⁾ L. 167/2007, 64. gr. ³⁾ L. 31/2001, 10. gr.

■ **29. gr.** [Ráðherra]¹⁾ setur með reglugerð²⁾ nánari ákvæði um framkvæmd laga þessara.

□ [Ráðherra skal setja sérstaka reglugerð um innflutning og útflutning sjávardýra.]¹⁾

□ [[Ráðherra]¹⁾ skal setja sérstaka reglugerð³⁾ um innflutning og útflutning eldisdýra og afurða þeirra til að hindra út-breiðslu smitsjúkdóma.]⁴⁾

¹⁾ L. 126/2011, 172. gr. ²⁾ Rg. 260/1980 (um útbúnað alifuglasláturhúsa, slátrun alifugla, verkun þeirra og heilbrigðisskoðun), sbr. 417/2002, 688/2002, 783/2011 og 562/2012. Rg. 251/1995 (um aðbúnað og sjúkdómavarnir á alifuglabúum og útungunarstöðvum), sbr. 904/2001, 701/2002 og 563/2012. Rg. 200/1998 (um bú-fjármörk o.fl.), sbr. 30/2000, 221/2002, 1105/2005, 324/2009 og 866/2010. Rg. 557/1998 (um kanínurækt). Rg. 60/2000 (um eftirlit með aðbúnaði og heilbrigði sauð-fjár og geitfjár o.fl.). Augl. 635/2001 (um bann við flutningi sláturfjár yfir sauð-fjárveikivarnarlínur). Rg. 651/2001 (um útrýmingu á riðuveiki og bætur vegna nið-urskurðar), sbr. 726/2004 og 807/2006. Rg. 665/2001 (um viðbrögð við smitsjúk-dómum), sbr. 831/2012. Rg. 438/2002 (um aðbúnað nautgripa og eftirlit með fram-leiðslu mjólkur o.fl.). Rg. 527/2003 (um sýnatökuáætlanir og greiningaraðferðir við greiningu og staðfestingu á fískjúkdómumum brisdrepi, ídradrepi og veirublaði). Rg. 787/2003 (um búfjársvæðingar og flutning fósturvísa). Rg. 449/2005 (um eftir-lit með heilbrigði eldisdýra sem flutt eru til EES-svæðisins frá þriðju ríkjum), sbr. 712/2006. Rg. 160/2006 (um aðbúnað, umhirðu og heilbrigðiseftirlit hrossa). Rg. 739/2006 (um gildistöku reglugerðar Evrópusambandsins nr. 282/2004 um að taka upp vottorð til að tilkynna um komu dýra til Bandalagsins frá þriðju löndum og um

heilbrigðiseftirlit með þeim og reglugerðar Evrópusambandsins nr. 585/2004 um breytingu á reglugerð Evrópusambandsins nr. 282/2004. Rg. 740/2006 (um gildistöku reglugerðar Evrópusambandsins nr. 136/2004 um heilbrigðiseftirlit á skodunarstöðvum Bandalagsins á landamærum með afurðum sem eru fluttar inn frá þriðju löndum). Rg. 550/2008 (um flutning líflamba milli landsvæða), sbr. 602/2010 og 669/2012. Rg. 1254/2008 (um heilbrigðiskröfur vegna lagareldisdýra og afurða þeirra og um forvarnir og varnir gegn tilteknum sjúkdómum í lagardýrum), sbr. 303/2009 og 367/2013. Rg. 560/2010 (um innflutning á djúprustu svínasæði), sbr. 657/2010. Rg. 168/2011 (um skilyrði og kröfur vegna útgáfu heilbrigðisvottorða við markaðssetningu lagareldisdýra, afurða þeirra og innflutning þeirra inn á EES-svæðið og um skrá yfir tegundir smitferja), sbr. 1010/2011, 661/2012 og 142/2013. Rg. 353/2011 (um aðbúnað og heilbrigði svína). Rg. 911/2011 (um garnaveiki og varnir gegn henni), sbr. 962/2012. Rg. 972/2011 (um framkvæmd viðurlaga í tengslum við kerfi um auðkenningu og skráningu nautgripa samkvæmt reglugerð Evrópuþingsins og ráðsins (EB) nr. 1760/2000), sbr. 89/2012 og 183/2012. Rg. 1011/2011 (um gildistöku reglugerðar Evrópuþingsins og ráðsins nr. 2160/2003 um varnir gegn salmonellu og öðrum tilteknum smitvöldum mannsmitanlegra dýrasjúkdóma sem berast með matvælum), sbr. 371/2012. Rg. 1012/2011 (um gildistöku reglugerðar framkvæmdastjórnarinnar nr. 1168/2006 um framkvæmd reglugerðar Evrópuþingsins og ráðsins nr. 2160/2003 að því er varðar markmið Bandalagsins sem sett eru til að draga úr algengi tiltekinnar sermigerða salmonelli í varphænum af tegundinni *Gallus gallus* og um breytingu á reglugerð (EB) nr. 1003/2005). Rg. 1013/2011 (um gildistöku reglugerðar framkvæmdastjórnarinnar (ESB) nr. 1177/2006 um framkvæmd reglugerðar Evrópuþingsins og ráðsins (EB) nr. 2160/2003 að því er varðar kröfur varðandi beitingu sértektra varnarráðstafana á grundvelli innlendra áætlana um varnir gegn salmonelli í alifluglum). Rg. 1014/2011 (um gildistöku reglugerðar framkvæmdastjórnarinnar nr. 646/2007 um framkvæmd reglugerðar Evrópuþingsins og ráðsins (EB) nr. 2160/2003 að því er varðar markmið Bandalagsins sem sett eru til að draga úr algengi *Salmonella enteritidis* og *Salmonella typhimurium* í holdakjúklungum og um niðurfellingu reglugerðar (EB) nr. 1091/2005), sbr. 214/2012. Rg. 1043/2011 (um eftirlit með heilbrigði eldisdýra og dýraafurðum í viðskiptum innan Evrópska efnahagssvæðisins). Rg. 1044/2011 (um eftirlit með innflutningi á dýraafurðum frá ríkjum utan EES). Rg. 1077/2011 (um gildistöku reglugerðar Evrópusambandsins nr. 599/2004 um að samþykka samræmda fyrirmynd að vottorði og skodunarskýrslu í tengslum við viðskipti innan Bandalagsins með dýr og afurðir úr dýraríkinu). Rg. 41/2012 (um gildistöku reglugerðar Evrópuþingsins og ráðsins (EB) nr. 999/2001 um setningu reglna um forvarnir gegn, eftirlit með og útrýmingu tiltekinnar tegunda smitandi heilahrönnunar), sbr. 356/2012. Rg. 211/2012 (um gildistöku reglugerðar framkvæmdastjórnarinnar nr. 199/2009 um bráðabirgðaráðstafanir, sem víkja frá reglugerð Evrópuþingsins og ráðsins (EB) nr. 2160/2003, að því er varðar beina afhendingu á litlu magni af nýju kjöti af hópum holdakjúklinga og kalkúna). Rg. 212/2012 (um gildistöku reglugerðar framkvæmdastjórnarinnar nr. 200/2010 um framkvæmd reglugerðar Evrópuþingsins og ráðsins nr. 2160/2003 að því er varðar markmið Sambandsins að draga úr algengi sermigerða salmonella í hópum fullorðinna undaneldisfugla af gerðinni *Gallus gallus*), sbr. 370/2012. Rg. 213/2012 (um gildistöku reglugerðar framkvæmdastjórnarinnar nr. 584/2008 um framkvæmd reglugerðar Evrópuþingsins og ráðsins (EB) nr. 2160/2003 að því er varðar markmið Bandalagsins sem sett eru til að draga úr algengi *Salmonella enteritidis* og *Salmonella typhimurium* í kalkúnum). Rg. 217/2012 (um gildistöku reglugerðar framkvæmdastjórnarinnar (EB) nr. 546/2006 um framkvæmd reglugerðar Evrópuþingsins og ráðsins (EB) nr. 999/2001 að því er varðar innanlandsáætlanir um varnir gegn riðuveiki og viðbótarábyrgðir og undanþágu frá tilteknum kröfum í ákvörðun 2003/100/EB og um niðurfellingu reglugerðar (EB) nr. 1874/2003). Rg. 254/2012 (um tilkynningu dýrasjúkdóma innan Evrópska efnahagssvæðisins). Rg. 303/2012 (um rafræna skráningu dýralækna á dýrasjúkdómum og lyfjameðhöndlun). Rg. 346/2012 (um framkvæmd tilskipunar ráðsins 2006/88/EB að því er varðar ráðstafanir til að hamlá gegn aukinni dánartíðni hjá ostrum af tegundinni *Crassostrea gigas*). Rg. 369/2012 (um gildistöku reglugerðar framkvæmdastjórnarinnar nr. 517/2011 um framkvæmd reglugerðar Evrópuþingsins og ráðsins (EB) nr. 2160/2003 að því er varðar það markmið Sambandsins að draga úr algengi tiltekinnar sermigerða salmonelli í varphænum af tegundinni *Gallus gallus* og um breytingu á reglugerð (EB) nr. 2160/2003 og reglugerð framkvæmdastjórnarinnar (ESB) nr. 200/2010). Rg. 448/2012 (um varnir gegn því að dýrasjúkdómar og sýktar afurðir berist til landsins), sbr. 462/2012 og 549/2012. Rg. 522/2012 (um heilbrigðisreglur um framleiðslu, vinnslu, dreifingu og innflutning á afurðum úr dýraríkinu til mannelis). Rg. 570/2012 (um kröfur um heilbrigði dýra og manna vegna viðskipta

með afurðir innan Evrópska efnahagssvæðisins og innflutning afurða frá ríkjum utan svæðisins), sbr. 760/2012. Rg. 763/2012 (um breytingar á skránni yfir sóttvarnarstöðvar vegna fiskeldisdýra). Rg. 848/2012 (um innflutning dýraafurða til einkaneyslu), sbr. 1054/2012. Rg. 916/2012 (um merkingar búffjár). Rg. 119/2013 (um sýnatöku- og greiningaraðferðir við greiningu og staðfestingu á tilvist lindýrasjúkdóma *Bonamia ostreae* og *Marteilia refringens*). Rg. 220/2013 (um ráðstafanir til að takmarka áhrif tiltekinnar sjúkdóma í lagareldisdýrum og villtum lagardýrum). Rg. 221/2013 (um framkvæmd tilskipunar ráðsins 2006/88/EB að því er varðar eftirlits- og útrýmingaráætlanir og sjúkdómalaus stöðu ríkja, svæða og hólfa). Rg. 271/2013 (um rafrænt aðgengi að upplýsingum um lagareldisfyrirtæki og viðurkenndar vinnslustöðvar). Rg. 272/2013 (um viðmiðunarreglur fyrir áhættu- og útrýmingaráætlanir sem kveðið er á um í tilskipun ráðsins 2006/88/EB). Rg. 273/2013 (um kröfur varðandi sóttkví fyrir lagareldisdýr). Rg. 371/2013 (um gildistöku framkvæmdarreglugerðar framkvæmdastjórnarinnar (ESB) nr. 233/2012 um framkvæmd reglugerðar Evrópuþingsins og ráðsins (EB) nr. 999/2001 að því er varðar samþykkt breyttrar landsáætlunar um varnir gegn riðuveiki). Rg. 372/2013 (um gildistöku reglugerðar framkvæmdastjórnarinnar (ESB) nr. 200/2012 varðandi það markmið Sambandsins að draga úr *Salmonella enteritidis* og *Salmonella typhimurium* í hópum holdakjúklinga, eins og kveðið er á um í reglugerð Evrópuþingsins og ráðsins (EB) nr. 2160/2003).³⁾ Rg. 985/2005 (um fiskeldisstöðvar).⁴⁾ L. 116/2003, 11. gr.

■ [29. gr. a. Heimilt er ráðherra að innleiða með reglugerð¹⁾ reglugerð Evrópuþingsins og ráðsins (EB) nr. 1774/2002 frá 3. október 2002 um heilbrigðisreglur um aukaafurðir úr dýrum sem ekki eru ætlaðar til mannelis, sbr. ákvörðun sameiginlegu EES-nefndarinnar frá 27. október 2007 nr. 135/2007 og nr. 136/2007. Reglugerðir EB sem teknar verða upp í samninginn um Evrópska efnahagssvæðið og fela í sér breytingar eða viðbætur við reglugerð Evrópuþingsins og ráðsins (EB) nr. 1774/2002 er einnig heimilt að innleiða með reglugerð.²⁾ Sama gildir um reglugerðir sem settar eru með tilvísun í reglugerðina.]³⁾

¹⁾ Rg. 108/2010, sbr. 216/2012 og 395/2012. ²⁾ Rg. 120/2010. Rg. 121/2010. Rg. 122/2010. Rg. 123/2010. Rg. 124/2010. Rg. 125/2010. Rg. 126/2010. Rg. 127/2010. Rg. 489/2010. Rg. 564/2010. Rg. 565/2010. Rg. 606/2010. Rg. 169/2011. Rg. 261/2011. Rg. 820/2010. ³⁾ L. 143/2009, 35. gr.

VIII. kaffi. Refsiákvæði og gildistaka.

■ 30. gr. Brot gegn lögum þessum, reglugerðum og fyrirmælum gefnum samkvæmt þeim varða sektum [eða fangelsi allt að 2 árum].¹⁾

□ . . . ²⁾

¹⁾ L. 82/1998, 206. gr. ²⁾ L. 88/2008, 233. gr.

■ 31. gr. Lög þessi öðlast þegar gildi. . .

■ Ákvæði til bráðabirgða. Reglugerðir, auglýsingar og önnur fyrirmæli sett samkvæmt lögum nr. 11/1928, með síðari breytingum, og lögum nr. 22/1977, um sauðfjárbaðanir, skulu halda gildi sínu að svo miklu leyti sem þau stangast ekki á við lög þessi þar til nýjar reglugerðir, auglýsingar eða önnur fyrirmæli hafa öðlast gildi.¹⁾

¹⁾ Eldri stjórnvaldsfyrirmæli sem hér er vísað til munu vera rg. 76/1952, rg. 135/1952, augl. A 97/1955, rg. 14/1957, augl. 10/1964, rg. 27/1970, rg. 290/1980, rg. 444/1982, sbr. 340/1986, rg. 96/1987, augl. 155/1987.

[Viðaukar 1A, 1B og 2. . .]¹⁾

¹⁾ L. 31/2001, 11. gr. Um viðauka þessa vísast til Stjtið. A 2001, bls. 58–63.